

SIGURIDAT DI SALBASHON

Lès 1

Poko tempu pasá bo a konfia Señor Hesu-Kristo pa ta bo Salvador. Kiko presis esei ke men? Laga nos pensa un ratu tokante e evento tan importante.

HENDE TIN MESTER DI SALBASHON

Pakiko hende tin mester di salbashon? Nota tres motibu:

1. Pasobra tur hende ta pekadó
Beibel ta bisa ku nos ta pekadó pa dos motibu:
 - Salmo 51:5 ta bisa, “*Mira, den inikidat mi a wòrdu _____, i den piká mi mama a _____*”
Hende ta pekadó pasobra nos ta nase asina.
 - Segun Romanonan 3:23, “*...tur a _____ i ta falta e gloria di Dios.*”
Hende ta pekadó pasobra tur hende ta hasi piká.
2. Pasobra nos tur ta meresé kastigu na fièrnu
Dios, siendo hustu, mester kastigá piká. Kiko ta e kastigu segun Romanonan 6:23? “*Pasobra e pago di piká ta _____*”. E kastigu ta tantu morto físiko komo morto spiritual (separashon di Dios na fièrnu pa semper). (Si bo ke haña sa mas tokante fièrnu, lesa Lukas 16:19-31; Revelashon 14:10-11 i 20:11- 15.)
3. Pasobra nos no por salba nos mes
Tin hende ku ta pensa ku nan ta bai shelu dor di bai misa fiel, yuda hende pober, biba bon, batisá, èts. Kiko Efesionan 2:8-9 ta bisa tokante bon obra asina? “*Pasobra pa medio di grasía boso a wòrdu salbá dor di fe, i esei no di boso mes; e ta e don di Dios; _____*,
pa ni un hende no gaba.” Bon obra ta salba ningun hende.

DIOS SU PLAN DI SALBASHON

Kiko ta Dios Su plan pa salba hende anto? Kristo!

Kiko Kristo a hasi segun 1 Pedro 2:24? “*i E mes a karga _____*
den Su kurpa na e krus, pa nos siendo morto pa

piká, por biba pa hustisia; pasobra pa medio di Su heridanan boso a wòrdu kurá.” Komo ku Kristo a tuma bo kastigu, bo no mester ta kastigá mas. Pero esei no ke men ku bo ta salvá outomátikamente! Kiko bo mester hasi pa bo skapa e kastigu? Nota tres punto esensial.

1. Kiko bo mester hasi segun 2 Pedro 3:9? _____
Pues, bo mester bira di bo bida di piká.
2. Bo mester stòp di konfia bo religion, bon obra, èts. i konfia 1 Persona so pa salbashon segun Juan 3:16,36. Ken esei ta?

3. Bo mester atmití na Dios ku bo ta un pekadó, pidiE pa pordonábo di bo piká, i pidi Hesu-Kristo pa salvábo. Romanonan 10:9,13.

	SI	NO
Hesu-Kristo a muri riba krus pa bo pikánan i a resusitá di morto?		
Bo a repintí di bo pikánan?		
Bo a stòp di konfia bo religion, bo bon obranan, èts. i ta konfia Hesus so pa salvábo?		
Bo a pidi Hesus pa salvábo?		

Si bo a konfia Kristo pa salbashon, ki fecha bo a hasi e desishon?

Si bo nunca a yega di hasi e desishon aki, hasié awor aki. E siguiente orashon hasí sinseramente di kurason por yudábo ekspresá bo desishon:

“Señor, mi sa ku mi ta un pekadó i ku mi ta meresé kastigu etèrno na fièrnu. Mi ta repintí di mi piká i ta konfia Kristo so pa salbashon. Danki Kristo

Hesus ku Bo a muri na mi lugá i a resusitá. Pordoná mi pikánan i salbámi awor. Amen.”

Si bo a hasi e orashon aki (òf algu similar) sinseramente, bo ta salbá for di un destino etèrno na fièrnu! Hesus a salbábo di bo piká i di e kastigu di bo piká. Kon bo por ta sigur di esei?

DIOS SU PROMESA DI SALBASHON

Hopi hende ku a kaba di konfia Kristo pa salbashon ta molestiá ku dudanan. Nan no sa sigur si nan ta salbá, kisas pasobra nan no a sinti algu, pasobra nan no a mira un kambio, òf pasobra nan no sa hopi di Beibel, èts. Ma siguridat di salbashon no ta basá riba kuantu bo sa di Beibel, kon bo a sinti, ni kualke otro pensamentu. Siguridat di salbashon ta basá riba un otro echu.

Segun Tito 1:2, kiko Dios no por hasi? _____

Komprendé tres echu lógiko:

* Dios no por gaña

* Beibel ta Palabra di Dios—Beibel ta loke Dios a papia

* Pues, nos ta konkluí: Beibel tampoko por _____

Ora Dios ta hasi promesa, E ta kumpli ku e promesa. Siguridat di salbashon ta basá riba Dios Su promesanan. Dios a primintí ku bo tin bida etèrno i ku bo ta bira Su yu si bo konfia Kristo pa salbábo! Bo tin ku konfia Su promesanan maravioso den Beibel pa bo ta sigur ku bo ta salbá. Ripará 4 promesa ku Dios a hasi:

1. Kiko ta e promesa di Juan 1:12? _____

Fo'i tempu ku bo a nase den e mundu aki, bo no por stòp di ta yu di bo mayornan...asta si bo ta rechasá nan. Ta méskos ku famia di Dios. Una bes bo ta dreña famia di Dios (ora bo konfia Kristo komo bo Salvador), bo ta forma parti di Su famia pa semper! Dios ta bo Tata, i nunca lo E nengábo!

2. Lesa Juan 10:27-30. Hesus ta yama esnan ku asept'E, Su karnénan. Hesus a hasi tres promesa den vèrsíkulo 28 tokante nan. Kiko e promesanan ta?

- a. _____
- b. _____
- c. _____

Un mucha no por habri man di un adulto pa saka algu afó si e adulto no pèrmitié, pasobra e adulto tin mas forsa. Ta méskos ku Dios. Ningun kriatura òf poder ta mas grandi ku Dios. Bo ta den Su man pa eternidat ora bo konfia Kristo.

3. Dios ta primintí den 1 Juan 1:9, “*Si nos _____ nos pikánan, E ta fiel i hustu pa _____ i pa limpia nos di tur inhustisia.*”
Ki un promesa presioso! Tur bo pikánan ta pordoná!
4. Segun 1 Juan 5:11-13, kiko Dios a primintí esun ku tin e Yu di Dios? _____

Bo ta 100% sigur ku si bo muri awor aki ku bo tin bida etèrno na shelu? Si ____ Nò ____

Riba kua promesa di Dios bo ta basa bo siguransa? _____

TAREA PA KAS

1. Siña Juan 1:12 for di kabes.
2. Promé ku e siguiente lès, konta un persona ku bo a konfia Kristo pa salvábo.
3. Lesa ún kapítulo di Juan kada dia.
4. Lesa e siguiente lès i yena e kontestanan.